

壬癸志稿二十八

太倉錢寶琛伯瑜輯

同里

葉裕仁涵溪
季錫疇菘耘
趙兆熊耳山

參校

畢庭杰雄伯

人物

鎮洋縣

名媛

國朝

張氏藻

字于瀾青浦人詩傳家學少與兄鳳孫唱和適
畢鏞為繼妻著有培遠堂集王昶敘之子沅官
陝西巡撫乾隆四十五年○聖駕南巡沅居憂謁
○行在具奏母氏賢行○上賜經訓克家額旌之
沅建樓靈巖別
業以奉○宸章

壬癸志稿

鎮洋

名媛

王氏佩華

字蘭如有夙慧通四子書家人以女秀才目
之長歸庶子汪學金次子彥國以孝聞後學
佛持淨戒自號慈願性和順尤好施濟著有願
香筆記精融梵理臨歿炷香跌坐西向而逝
江西萍鄉人侍郎鳳詒女刑部郎中汪元爵妻知
書曉大義先是元爵世父彥博欲創立義倉以備
歉歲賑貸不果元爵有志繼成未及而卒氏出白
鏹五千金成之事聞得旨給樂善好施坊旌表

劉氏

壬癸志稿二十八終

吾鄉鰲志以後失修已歷五十年咸豐二年先大
父勗議重修偕季菘耘趙耳山葉涵溪畢雄伯諸先
生開局分纂旋以軍興未及卒業僅成人物傳數十
卷先敏肅公暨叔父通守公屢欲付梓以公冗未
果光緒六年溯者攜之武昌敬治剗閱六月工竣
以先人未成之書仍其名曰壬癸志彙蓋壬子癸
丑二年所作也敬誌顛末如此

光緒六年歲在庚辰冬十有一月孫溯耆謹識

